

續修陝西省通志稿

第七十四冊

卷一百四五至一百四六

續修陝西通志稿卷一百四十五

金石十一

唐

韋公夫人裴氏墓誌銘

存景龍三年全文錄

石高三尺廣二尺八寸共四十一行四十三字正書蓋題唐故魏國夫人墓誌銘篆書在西安圖書館

大唐故魏國太夫人河東裴氏墓誌

并序

夫人諱覺字寶眞空

河東聞喜人衛御卿京兆韋公之內子也欽厥靈源胤顓頊而長派恭子慶系奄裴卿而大啟故椒實桂芳衣冠奕代文經武緯史冊兼題蓋則効節卯金掌玉壺而負璽潛則避言漢水察未兆而高翔亦有重望推乎領袖厚實揚乎文籍修尚儒術飛名本朝風神高邁取奇見者將非河汾有氣乎梁霍有靈乎曾祖鴻智後魏龍驤將軍雍州長史高邑縣開國男食邑二百戶周車騎大將軍

儀同三司贈邑三百戶襄州道大總管進爵高邑侯贈使持節豐
遂資三州刺史表裏山河具資靈氣文武義藝允曰天生衡刀符
建鄴之謠尹京留班述之譔爵窮五列榮冠兩朝總戎江漢橫天
討而詰暴開府辟徵極人臣之至貴節終禮縛追署外臺祖師武
隨蜀王府記室參軍鳳彩龍章文房翰苑奉曹遊而賦月光射步
兵儕楚侍以哥風聲雄宋玉父懷吳皇朝燕然都護府司馬幽州
大都督府司馬忠州諸軍事忠州刺史郤桂幽芳和松勁節再臨
司武展驥足而高馳一守專居駕熊車而求瘼身去于代惠留于
人夫人襲彩藍田盈芳蕙畝由公宮而立禮自師氏而知和淑問
有孚淳心允塞旣笄而字言結其縷鸞媒告祠鴈贄承奠四爵充
篚三鼎迺門其從如雲遂歸于我若乃廟見禮成婉茲婦順蘋蘩
采采志六義之精華巾監事事恭三本之骨髓環珮應乎足容圖

史成乎口實而飲食奠饋常恥弗躬爲締爲綏率由于已由家室
以宜娣姒承式順成大義克臻至和蔬食菜羹致虔而執事文繡
纂組警害而不爲加以寬厚慈恕端莊靜直中外吉凶必聞必救
家人常務以悅以情引進之慈式在桑之平惠思賢之志憲采荇
之遺風故寵無專房衣無常主矣柔以克剛貞以承順謠詠采芣
薄言采之比方薦蘿委于其質故芝蘭玉樹閒植而銜蕤琬琰若
華連英而屬秀矣信而可仗小曾杼之竟投德其不孤大鄆鄰之
屢擇故金籀業遂朱萼鮮融室降王姬寵隆邦媛矣府君嘗勞州
郡曆著能名夫人夙興左右實勤內助故象服以宜鵲巢登頌矣
神龍元年我皇應天御曆大造寰宇衛尉公以懿戚承恩首綰朱
紱拜河東縣君景龍二年第二子太僕少卿駙馬都尉鐵加銀青
光祿大夫拜河東貴游子寵渥琴瑟鼓鐘媚茲靜好而志尙閑素

心存周急雖克享兼祿而食無重味雖金玉滿堂而施惠滋廣遂
歸心釋氏不茹葷大猷苦集都忘塵累有高僧釋善福者以慈
攝應忽振錫而來儀夫人稽首禮足因請受菩薩誡乃發大誓願
願與三代諸佛同一道而詣眞乘悲夫金竈久誣玉膏空誌仁不
偕壽邁疾彌留雲空水閱一朝萬古景龍三年二月廿六日薨于
永寧私第之適寢春秋六十有六贈魏國夫人制曰銀青光祿大
夫行太僕少卿彭城縣開國男駙馬都尉韋鍼母裴氏河汾演慶
蘭菊滋榮作範著於閨門宜家治於琴瑟斷機之訓造次無愆徙
宅之規始終不怠高堂遽掩厚窆俄淪宜加環珮之暉式展袞崇
之禮可贈魏國太夫人肅恭朝典光昭泉穴寵冠延鄉榮兼新野
夫人孝恭無競柔順不違婉婉四德綢繆六行樊衛之高芬遺班
左之繁彩于佐君子式儀母師外言不入于閨內言不出于閫五

宗伊和十義伊穆自門通魯館家築秦臺翟弗而朝蠶妾之勤逾
警魚軒以輶鹿車之匱不忘用能元吉離祉高堂受福咸宜子孫
克令兄弟嗚呼行至延曆空聞曩辰閱人爲世遂悲今日景龍三
年歲次己酉七月乙卯朔十九日癸酉歸窆於萬年縣御宿川大
曲之舊塋媚先姑也車賜徘徊弔延宮閣容衛專道哀榮充朝鬱
鬱連岡遙成却月蒼蒼松柏近入秋風天道如何人生已矣府君
思結長簾悲纏孤劍駙馬天經素純日嚴中奪攀凱風而血誓方
永三年感寒泉以痛心長哀七子奉祇先遠之禮敬卜歸真之宅
動必因心寧過于厚庶展蒸蒸之義微答哀哀之勤誓極家資不
預官費蓋士君子之孝也懷高岸其或夷懼幽堂之未志遂題貞
石載永芳塵其詞曰 非子之裔邑于裴鄉遂以命氏因而代昌
卓兮領袖爲龍爲光富矣文籍載華載芳其一高邑亭亭瑤巖碧岫

忠州肅肅政新風舊克生有齊閨房允秀女于君子光華日就

其二

采蘋肅事方巢頌聲不專題美思賢發英蘭風氣潤惠露光清延

我內則形于外成

其三

二門合慶百祿歸祉鵲橋星飛鳳樓霞起夫

尊子貴同榮共美軒影輪魚衣文闕雉

其四

苦器知猷真宗是歸二

嚴迴奉十力方希大士說誠如來覆衣黻然滅景返真于微

其五

潘

月懸清簾空虛室皐風不靜年還何日生死哀榮真方名實彤史

既載青圖寧失

其六

白龜薦光班牛啓瑩天子命弔中闈舉聲容衛

繁兮戒神寵朝廷空兮送禮成歸重泉兮永固邈千秋兮大名

其七

按此誌文字均不佳拜河東貴並樊衛之高芬數句均有脫誤

法琬法師碑

景龍

存

三年

見

王氏

金石

萃編

卷

三

編

三

編

三

編

三

編

三

編

三

編

三

編

碑高五尺二寸廣三尺三寸五分行五十四字額題大唐比丘尼法琬碑九字篆書沙門承遠撰彭城劉欽旦正書今在碑林

右碑題云大唐故比丘尼法琬法師碑按碑法師諱法琬神龍

皇帝之三從姑鄭王亮之曾孫史稱鄭王元懿爲小鄭王又曰
惠鄭王以別於亮亮之子孫皆有謚而無傳法琬奉勅爲尼創
建祠宇又剃度女僧三七爲弟子歿則銘碑垂後唐之佞佛此
爲尤異錄之以示一慨碑有天分升應極升應是斗漢隸升斗
二字易訛故正書改升爲斗至唐承襲已久不應如是之謬也

葉氏金
石錄補

此碑於數歲前土人鬻於市匠人方磨爲別用咸寧令柳君見
之移於碑林按唐史襄邑恭王諱神符贈司空今碑內神字下
缺二字當是符字又稱神符贈荊州都督今碑稱荆揚并三州
大都督又德懋附見神符傳第三云官少府監臨川郡公餘官及
謚俱不載皆史之缺誤也德懋捨女爲尼爲親資福誠愚孝也

其謚曰孝有以夫

朱氏
金石記
雍州

許公夫人楊氏合葬墓誌銘殘石

景龍三年

石不 完全 柳紹先撰 文李爲仁正書

誌略云祖耀隋滕王東閣祭酒父神雅有奇節居多勝氣又云貞觀中制授抗州錄事參軍永隆二年制除恒州司馬又云口口六月七日寤疾卒於私第春秋六十有五夫人華陰郡君楊氏萬歲通天二年正月五日春秋七十六卒於私第子彥協等思極終憂情逾口禮以景龍三年七月十九日合葬於長安縣西龍首原禮也 今在西安府學碑林案此石題銜姓氏已泐文內叙述家世有讓帝字蓋有許由讓天下事又云平恩貴戚放丹第而封侯蓋用漢書外戚傳許廣漢事因定爲許姓云誌中寤疾之寤當係寢字之譌

毛氏圖中金石文存致

按此石今在碑林方二尺八寸二十六行行二十八字字徑九

分以文推求前缺二行每行缺五字蓋出土後爲人別用鑿而成方文不能讀故不錄

蘇文貞公瓌碑

存景雲元年見王氏金石錄

碑連額高一丈二尺六寸廣四尺七寸六分二十八字行六十字篆額題唐故司空文貞公蘇府君之碑十分二字張說撰銘盧

藏用撰序并書在武功縣

蘇許公瓌武功人景雲元年十一月葬武功碑隸書剝蝕過半存者才十三書法猶有漢魏遺意金石略云廬藏用書而金石錄云藏用撰書攷文苑英華藏用撰序張說撰銘今碑後猶有

范陽張說字鄭趙二公未見耶

趙氏石

碑已漫滅存八百餘字金石文字記云廬藏用序并八分書張

說銘景雲元年十一月石墨鐫華云碑後有范陽張說字今碑

中猶隱隱可讀

朱氏雍州金石記

碑文與唐書本傳并合惟神龍初爲尚書右丞後曾封懷縣男

碑不及之耳

畢氏關中金石記

長安縣丞蕭思亮墓誌銘

存景雲三年見黃氏古誌石華

石方二尺三寸七分縱橫二十六格顏惟貞撰文正書在長安縣

誌云窆於神禾原古誌石華云神和原在咸寧縣南三十里和
一作禾案顏惟貞魯公眞卿之父也誌云夫人譙郡熊氏左金
吾將軍元逸之女古誌石華云夫人熊氏誌作能氏左氏春秋
傳晉侯夢黃能釋文云熊亦作能鳳枝案元和姓纂引姓苑云
能氏長廣人楚熊摯之後也避難改爲能氏唐有京兆少尹能
延休鄠縣人上元中眞州刺史檢校刑部尚書河北招討使能
元皓生昱昱太僕少卿又王伯厚姓氏急就篇云能音耐呂
氏春秋能意見齊宣王唐有能元皓孝友傳能君德是能氏本

熊氏所改謂其出於熊姓可也謂能字爲熊之譌則不可也

毛氏

關中金石文
字存逸致

按此石明書夫人能氏而金石萃編古誌石華均改作熊氏非是能氏本熊氏所改望出華陰宋時醫人有能日宣王氏黃氏未之詳攷耳

馮本紀孝碑

先存

天元年見王氏金石萃編

碑下闕一字連額約九尺廣四尺一寸二十六行行五十字口朝隱撰子敦直隸書篆額今在高陵縣

右碑中斷金石家以上截爲亳州錄事參軍殘碑下截作紀孝

碑者非是

畢氏關中
金石記

右亳州錄事參軍馮本紀孝碑在高陵縣碑已斷中央損五十餘字撰文者名朝隱而闕其姓考唐書文藝傳閭朝隱先天中爲秘書少監此碑文云朝隱竹簡舊遊蓬山遺老題銜書少二

字可辨祕字亦存其半知爲閩朝隱無疑也馮君卒於咸亨四年以久視元年葬先天元年樹碑距葬時已十三年矣碑爲嗣子銀青光祿大夫留直昭文館敦直所書歐趙諸家俱未收錄顧氏記金石文字始錄之又別出亳州錄事參軍一碑其實卽此碑之上半誤分爲二耳碑書隄作𡗗敦作𡗗皆別體

潛研堂金石文

字跋尾

契苾明碑

存先天元年見王氏金石萃編

碑高一丈三尺五寸廣六尺共三十六行七十七字妻師德製文殷元祚正書額題大唐故大將軍涼國公契苾府君之碑

篆書今在咸陽

右碑在縣北五里雙泉洞微東北上崖字近下面碎落僅可意

會識之上面則猶初然也

咸陽石遺文

按唐書契苾明傳悉與碑合石墨鐫華云長子襲封涼國公而

後云孤子息涼國公嵩立又何也明葬于萬歲通天元年碑立於先天元年仍稱周革命仍用武后製字都不可曉金石文字記亦以此爲疑愚謂此蓋明葬時婁爲之製文殷爲之書是以稱大周用武后所製字其碑中稱李孝義爲唐膠西公以在周時不得不稱唐也碑文已書而未立至先天元年始立耳不然婁師德卒於聖曆元年至先天元年已十餘年矣焉能起而爲之製文其先天元年數行書法似別出一手且所書俱不用武后字可爲明驗無疑至立碑乃次子嵩或製文書碑時三子無恙至先天時聳已故焉知非次子嵩襲爵葬時嵩與崇不過子爵今嵩稱涼國公涼爲契苾氏世爵此亦一明驗史止言聳襲爵不言嵩襲爵何知非史之闕耶

朱氏雍州金石記

李府君夫人王氏墓誌銘

存開元二年錄後

石方二尺四寸二十八行行二十九字正書

大唐太上皇三從弟朝議大夫行右衛長史上柱國李府君之夫人太原縣君王氏墓誌銘

并序

夫人諱口太原晉陽人也粵若

漢庭陰德軒車馳七族之門管家元老簪紱盛三台之位由是將軍闢壘廓垂惠之氛埃丞相登朝驚竄于之視聽巍巍茂緒列綿祀而飛績穆穆清風播景鐘而逸韻備詳之於簡諒今可略而言焉曾祖君儒隨侍御史御史中丞太子左庶子祖孝遠皇朝屋整縣令大理正紫微舍人參知機務同紫微黃門三品平章事除京兆府少尹提衡孝友藻續彝章或望重烏臺凜嚴霜之峻旨或詞華紫禁敷陽春之惠澤昔者佩刀傳貺江荆資其燮理絕席申歡山桑表夫金石眷言斯道家不乏賢考崇皇左千牛兗州司功許州司戶黔州石城縣令太子舍人學擅文場辭彈辯囿外參端士

聽春誦於搖山入纂侍臣奉天顏於錡衛方當誕靈鱣瑞將飛越
海之鱗哢吭鴈池遽拉摩霄之羽夫人秀氣呈祥柔儀韞則管續
紵纓之禮實自生知端明婉順之德匪因教至若鈇華煥彩艷桃
李之春暉洛珪飄香掩桂蘭之秋馥輕步遊羅帳神女爲之佯雲
含情對鏡臺姁娥猶其罷月於是瓊姿瑋態光日下以無雙淑問
嘉聲命仙儔而少正李君連枝瓊樹挺杞梓之宏材積潤瑤谿引
溟渟之遠派爰茲合姓氏終偕老夫人作嬪君子無虧侍櫺之方
正位家人允叶從夫之秩太極元年四月十五日授太原縣君加
寵命也豈謂蓮房夕隕黃泉無再發之期粉匣晨銷玄室豈凝壯
之處綠琴幽怨嗟鶴操以長孤華桐結根歎龍門之半死以開元
二年閏二月十五日遘疾終於京兆府萬年縣安興坊之私第春
秋五十有四李君悼齊體之無歸恨冥途之永閔始看餘桂撫長

簞以銜酸載想遺形望空帷而屑涕息鉉等痛深泣血哀逾飲水
訴昊天而罔極觸厚地而無追敬卜休貞俯營宅窆卽以其年甲
寅五月丁亥朔二十三日己酉安厝於京兆府長安縣居安鄉高
陽之原禮也高隰悠悠荒臺寂寂背巖城以遵路指靈丘而瘞迹
野旣迴兮無隣一人去兮成昔乃爲銘曰 太原之士晉水之濱
中朝握政外戚通姻其一王道蕩蕩帝緒親親誕斯令淑光于作賓
從梁以儉在冀如賓婉婉其志貞明其身其二彼蒼不閱壺則方
淪頽齡奄謝大暮何晨四其南臨巖壑北枕城闌泉臺有夜櫃隧無
春五其隴荒宿草樹古摧薪爰彫翠石永播芳塵六其
案此誌以蓋屋作屋教當係筆誤

思言禪師塔銘

開元二年全文錄

石長一尺四寸五分廣一尺五寸二十三行行二十一字正書